

ESELAMU ALEYKUM

Konacno,konacno, Fala dragom Bogu , da su se "ljudi" koji vladaju BiH uspjeli dogovoriti o sastavu nove vlde BiH. O budzetu za izlazecu -nestajucu 2011 godinu.Na samom njemnom kraju dozivjeli smo, eto , da nam serviraju Njen Budzet. A to je i jedan od uslova ulaska u Euro zonu.

Bilo je i sada ima mnogo nesuglasnosti izmedju ovih "ljudi" neki od njih zele da se sto vise odvoje od BiH. Kada su vidjeli da za to nije prilika, pristadose formirati VIJECE MINISTARA

A da samo znate koliko ih nije docekalo ovu vijest, jer su od gladi, zime, od bolesti za koje nijesu mogli dobiti lijeka, umrli. Na drugoj strani slika druckija.Bosna se siri u vele-lepnim bildizima-kucama koje finansiraju sirotinjskim paramo od lijekova i hrane otete od sirotinje

Daljni komentar nije potreban jer ce citaociCCN-a moci shvatiti razloge,sustini stvarnja Vijeca Ministara BiH na samom kraju 2011

Svim nasim citaocima,nasim prijateljima i clanovima organizacije CCN- Brisbane

ŽELIMO SRETNU NOVU 2012 GODINU !

NAKON 15-TAK MJESECI LIDERI ŠEST STRANAKA POSTIGLI DOGOVOR O VIJEĆU MINISTARA

Autor: Fena

Objavljeno: 28. December 2011. 14:12:15



Nakon gotovo 15 mjeseci od proteklih općih izbora, danas su u Sarajevu lideri šest stranaka postigli dogovor o formiranju Vijeća ministara BiH. Domaćin sastanka, predsjednik SDA Sulejman Tihić je u obraćanju prisutnim novinarima istakao da je dogovor postignut i o tekstu zakona o popisu stanovništva, i o zakonu o državnoj pomoći te budžetu za 2012.

Po potpisanom sporazumu predsjedavajući Vijeća ministara BiH bit će iz reda hrvatskog naroda.

Na čelu Ministarstva vanjskih poslova bit će pripadnik bošnjačkog naroda, Ministarstvo vanjske trgovine i ekonomskih odnosa iz reda srpskog naroda, Ministarstvo finansija i trezora iz reda srpskog naroda, Ministarstvo sigurnosti iz bošnjačkog naroda, Ministarstvo pravde iz reda hrvatskog naroda, Ministarstvo odbrane iz reda bošnjačkog naroda, Ministarstvo prometa i komunikacija iz reda bošnjačkog naroda, Ministarstvo za ljudska prava i izbjeglice iz reda hrvatskog naroda te Ministarstva civilnih poslova iz reda srpskog naroda.

Dogovoreno je da jedno mjesto koje po ovoj podjeli pripada Bošnjacima bude dodijeljeno kandidatu iz reda ostalih, a jedno mjesto ide Bošnjaku iz RS-a.

Budući da su se stranke iz RS-a odrekle četvrtog ministarskog mjesta, postignut je dogovor da kandidati za direktore SIPA-e i RAK-a budu iz reda srpskog naroda dok će direktor IDEEA-e biti iz reda bošnjačkog naroda, a direktor UIO-a Hrvat.

Kada je u pitanju zakon o popisu stanovništva, usaglašeno je da ostaje tekst usvojen u Predstavničkom domu PSBiH uz brisanje člana 48.

Usaglašen je i zakon o državnoj pomoći po prijedlogu Vijeća ministara BiH koji predviđa osnivanje Vijeća za državnu pomoć s tri člana iz Vijeća ministara, po dva iz entiteta i jednog iz Brčko Distrikta.

O pitanju budžeta, najavljeno je da će se u narednih nekoliko dana ići na usvajanje budžeta za 2011. da bi se stekla osnova za privremeno finansiranje početkom 2012.

Tako će novo Vijeće ministara imati mogućnost da usaglasi i predloži novi budžet.

Ime mandatar Vijeće ministara nije otkriveno, ali je o rezultatima dogovora Predsjedništvo BiH već obaviješteno te će ime kandidata biti poznato sutra do 12.00 sati, a nakon konsultacija unutar stranke koja je dobila mjesto predsjedavajućeg Vijeća ministara - HDZBiH.

Lideri šest vodećih bh. stranaka su nakon sastanka na kojem je postignut dogovor o Vijeću ministara BiH te setu „euroatlanskih zakona“ izrazili optimizam kada je u pitanju buduća suradnja na pitanjima koja su važna za BiH.

Sastav Vijeća ministara izgled će ovako:

1. Predsjedavajući Vijeća ministara BiH bit će iz hrvatskog naroda.
2. Ministar vanjskih poslova iz bošnjačkog naroda.
3. Ministar vanjske trgovine i ekonomskih odnosa iz srpskog naroda.
4. Ministar finansija i trezora iz srpskog naroda.
5. Ministar sigurnosti iz bošnjačkog naroda.
6. Ministar pravde iz reda hrvatskog naroda.
7. Ministar civilnih poslova iz reda srpskog naroda.

8. Ministar za ljudska prava i izbjeglice iz reda hrvatskog naroda.
9. Ministar prometa i komunikacija iz reda bošnjačkog naroda
10. Ministar odbrane iz reda bošnjačkog naroda.

Zamjenik ministra vanjskih poslova će biti iz reda srpskog naroda.

Zamjenik ministra vanjske trgovine i ekonomskih odnosa iz reda bošnjačkog naroda.

Zamjenik ministra finansija i trezora iz reda bošnjačkog naroda.

Zamjenik ministra civilnih poslova iz reda bošnjačkog naroda.

Zamjenik ministra sigurnosti iz reda hrvatskog naroda.

Zamjenik ministra pravde iz reda srpskog naroda.

Zamjenik ministra za ljudska prava i izbjeglice iz reda srpskog naroda.

Zamjenik ministra prometa i komunikacija iz reda hrvatskog naroda.

Zamjenici ministra odbrane iz reda hrvatskog i srpskog naroda.

Predsjednik HDZ-a BiH Dragan Čović istakao je da je bilo potrebno mnogo odlučnosti i hrabrosti za ovaj dogovor te izrazio nadu da će postignuti kompromis omogućiti pokretanje reformskih procesa.

„Stvoren je ambijent da Predsjedništvo BiH već sutra kandidira mandatara za sastav Vijeća ministara“, kazao je, ali nije želio da već sada saopći ime kandidata.

Predsjednik SNSD-a Milorad Dodik izjavio je da preovladala atmosfera kompromisa i shvatanje da su odluke stvar domaćih aktera, a ne međunarodne intervencije.

„Nismo dobili sve što smo tražili, ali nije niko“, kazao je Dodik navodeći da su u zamjenu za četvrto ministarsko mjesto stranke iz RS-a dobile vodeće pozicije SIPA-e i RAK-a.

Od tri ministarska mjesta koje su dobile stranke iz RS-a dva idu SNSD-u, a jedno SDS-u dok će direktorske pozicije u SIPA-i i RAK-u biti podjeljene.

Predsjednik HDZ-a 1990 Božo Ljubić istakao je da je dogovor postignut na principima na kojima jedino može funkcionirati BiH kao samoodrživa država, bez intervencija sa strane.

„Međutim, ja sam na ovaj sporazum stavio uvjetni potpis koji možemo povući ukoliko, shodno današnjem sporazumu, ne dođe do dogovora bilateralnim putem u narednih nekoliko dana. To povlačenje neće ništa značiti za ovaj sporazum jer će novo Vijeće ministara i tada imati potrebnu većinu“, kazao je Ljubić ne precizirajući zbog čega je stavio „uvjetni potpis“ na današnji sporazum.

Predsjednik SDP-a BiH Zlatko Lagumdžija kazao je da mu je žao što je za dogovor bilo potrebno ovoliko vremena, ali mu je drago da je postignut ovakav sporazum, na vrlo jasnim zakonima, koji predstavljaju „projektni zadatak“ novog Vijeća ministara za ubrzanje euroatlantskog puta BiH.

Dodao je da će SDP BiH, putem jednog mjesta zamjenika ministra iz reda hrvatskog naroda koje će pripasti SDP-u pokazati da nije stranka samo jednog naroda.

Također, budući direktor UIO iz reda hrvatskog naroda treba biti usaglašen između SDP-a i HDZ-a BiH.

Zaključio je da je izuzetno zadovoljan postignutim sporazumom, prije svega njegovim sadržajem.

Predsjednik SDS-a Mladen Bosić istakao je da je dogovor stranaka iz FBiH postignut pred početak sastanka što je omogućilo da se otvori period suradnje nakon dugotrajnog perioda konfrontacija.